



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ՎՃՌԱԲԵԿ ԴԱՏԱՐԱՆԻ ՔՐԵԱԿԱՆ ՊԱԼԱՏ

Ո Ր Ո Շ ՈՒ Մ

ՎԱՐՈՒՅԹԻ ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

21 հունվարի 2025 թվական

ք.Երևան

Հայաստանի Հանրապետության Վճռաբեկ դատարանի քրեական պալատը,

նախագահությամբ՝  
մասնակցությամբ դատավորներ՝

Հ.ԱՍԱՏՐՅԱՆԻ  
Ս.ԱՎԵՏԻՍՅԱՆԻ  
Հ.ԳՐԻԳՈՐՅԱՆԻ  
Լ.ԹԱԴԵՎՈՍՅԱՆԻ  
Ա.ՊՈՂՈՍՅԱՆԻ

ուսումնասիրելով թիվ ԵԴՆ/2219/01/24 քրեական վարույթի տարածքային ընդդատության հարցը լուծելու համար Վճռաբեկ դատարանի քրեական պալատ ուղարկելու մասին Սյունիքի մարզի առաջին ատյանի ընդհանուր իրավասության դատարանի՝ 2024 թվականի դեկտեմբերի 27-ի որոշումը,

Պ Ա Ր Զ Ե Ց

**Վարույթի դատավարական նախապատմությունը.**

1. 1995 թվականի փետրվարի 20-ին Երևան քաղաքի Մաշտոցի շրջանի ժողդատարանում ստացվել է թիվ 90208894 (1-51/1995) քրեական գործն ըստ

մեղադրանքի՝ Դավիթ Կառլոսի Առաքելյանի՝ 1961 թվականի մարտի 7-ին ընդունված ՀՀ քրեական օրենսգրքի (այսուհետ նաև՝ ՀՀ քրեական օրենսգիրք) 214-րդ հոդվածի 1-ին մասով և այլոց:

Երևան քաղաքի Մաշտոցի շրջանի ժողդատարանի՝ 1995 թվականի մայիսի 30-ի որոշմամբ քրեական գործը Դավիթ Կառլոսի Առաքելյանի մասով կասեցվել է, վերջինիս նկատմամբ ընտրված խափանման միջոցը փոխվել է կալանքով և հայտարարվել է հետախուզում:

1.1. Երևան քաղաքի Աջափնյակ և Դավթաշեն համայնքների ընդհանուր իրավասության դատարանի դատավոր Դ.Բալայանի՝ 2009 թվականի մարտի 27-ի որոշմամբ կասեցված քրեական գործն (ԵԱԴԴ/0018/01/08) ընդունվել է վարույթ:

2015 թվականի մարտի 9-ին թիվ ԵԱԴԴ/0018/01/08 քրեական գործը վերաբաշխվել է դատավոր Տ.Գրիգորյանին և նույն օրը որոշում է կայացվել քրեական գործը վարույթ ընդունելու մասին:

2019 թվականի հունիսի 4-ին թիվ ԵԱԴԴ/0018/01/08 քրեական գործը վերաբաշխվել է Երևան քաղաքի առաջին ատյանի ընդհանուր իրավասության դատարանի դատավոր Ռ.Պապոյանին և հունիսի 5-ին որոշում է կայացվել քրեական գործը վարույթ ընդունելու մասին:

2022 թվականի դեկտեմբերի 21-ին թիվ ԵԱԴԴ/0018/01/08 քրեական գործը վերաբաշխվել է դատավոր Ա.Դանիբեկյանին և 2022 թվականի դեկտեմբերի 22-ին որոշում է կայացվել քրեական գործը վարույթ ընդունելու մասին:

1.2. Երևան քաղաքի առաջին ատյանի ընդհանուր իրավասության քրեական դատարանի՝ 2023 թվականի հունիսի 30-ի որոշմամբ թիվ ԵԱԴԴ/0018/01/08 քրեական գործի վարույթը վերսկսվել է:

2024 թվականի սեպտեմբերի 9-ին թիվ ԵԴ1/2219/01/24 (ԵԱԴԴ/0018/01/08) քրեական վարույթը վերաբաշխվել է դատավոր Հ.Ավագյանին:

Երևան քաղաքի առաջին ատյանի ընդհանուր իրավասության քրեական դատարանը 2024 թվականի սեպտեմբերի 12-ին որոշում է կայացրել թիվ ԵԴ1/2219/01/24 քրեական վարույթն ստանձնելու և նախնական դատալսումներ նշանակելու մասին:

Երևան քաղաքի առաջին ատյանի ընդհանուր իրավասության քրեական դատարանը 2024 թվականի նոյեմբերի 5-ին որոշում է կայացրել թիվ ԵԴ1/2219/01/24 քրեական վարույթը հեռակա կարգով իրականացնելու մասին:

2. Երևան քաղաքի առաջին ատյանի ընդհանուր իրավասության քրեական դատարանը 2024 թվականի դեկտեմբերի 16-ին՝ նախնական դատալսումների ընթացքում, որոշում է կայացրել թիվ ԵԴ1/2219/01/24 քրեական վարույթն ըստ ընդդատության Սյունիքի մարզի առաջին ատյանի ընդհանուր իրավասության դատարան ուղարկելու մասին:

3. Սյունիքի մարզի առաջին ատյանի ընդհանուր իրավասության դատարանը 2024 թվականի դեկտեմբերի 27-ին որոշում է կայացրել թիվ ԵԴ1/2219/01/24 քրեական վարույթը Վճռաբեկ դատարանի քրեական պալատ ուղարկելու մասին՝ ընդդատության հարցը լուծելու համար:

4. Քրեական վարույթը Վճռաբեկ դատարանում ստացվել է 2025 թվականի հունվարի 16-ին:

**Ընդդատության վերաբերյալ հարցը լուծելու համար էական նշանակություն ունեցող փաստական հանգամանքները.**

5. Դավիթ Առաքելյանին մեղադրանք է առաջադրվել այն բանի համար, որ *«նա, որպես զինապարտ հաշվառման կանգնած լինելով Մաշտոցի շրջանի զինկոմիսարիատում, 1994 թվականի հոկտեմբերի 17-ին նույն զինկոմիսարիատի կողմից գորակոչվել է 3-ամսյա ուսումնավարժական հավաքների և ծառայությունը կրելու համար նույն օրը զինվորական ուրիկանության ուղեկցությամբ խմբի կազմում ավտոբուսով ուղարկվել է Լեոնային Ղարաբաղի Հանրապետություն: Հասնելով Սիսիանի մոտակայքում գրնվող «դարպասներ» կոչվող հուշարձանի մոտ ավտոբուսը կանգ է առել կարճապես դադարի և Առաքելյանը տուրք գնալու պարրվակի տակ հարմար պահ ընտրելով, վարժապետից խուսափելու նպատակով դիմել է փախուստի և վերադարձել տուն: (...):»<sup>1</sup>:*

<sup>1</sup> Տե՛ս վարույթի նյութեր, հատոր 1, թերթ 247:

6. Երևան քաղաքի առաջին ատյանի ընդհանուր իրավասության քրեական դատարանը 2024 թվականի դեկտեմբերի 16-ի որոշմամբ արձանագրել է. «(...) Դավիթ Առաքելյանին մեղսագրվող 1961 թվականի մարտի 7-ին ընդունված ՀՀ քրեական օրենսգրքի 214-րդ հոդվածի 1-ին մասով նախատեսված հանցանքը փաստացի ավարտվել է Սյունիքի մարզի Սիսիան քաղաքում, որպիսի հանգամանքը հաշվի առնելով, Դատարանը փաստում է, որ մեղսագրված ենթադրյալ արարքը կատարվել ու ավարտվել է Սյունիքի մարզի դատական տարածքում:

(...)

Հիմք ընդունելով վերոգրյալ վերլուծությունը՝ Դատարանը գտնում է, որ սույն քրեական վարույթի քննությունը Երևան քաղաքի առաջին ատյանի ընդհանուր իրավասության քրեական դատարանում անհուսափելիորեն կհանգեցնի մեղադրյալ Դավիթ Առաքելյանի և դատավարության մյուս մասնակիցների արդար դատական քննության հիմնարար իրավունքի խախտման, իսկ արդյունքում կայացված դատական ակտը ցանկացած դեպքում ենթակա կլինի բեկանման:

Հետևաբար, անհրաժեշտ է թիվ ԵԴ1/2219/01/24 քրեական վարույթն ըստ մեղադրանքի Դավիթ Կառլոսի Առաքելյանի՝ 1961 թվականի մարտի 7-ին ընդունված ՀՀ քրեական օրենսգրքի 214-րդ հոդվածի 1-ին մասով, ըստ ընդդատության ուղարկել Սյունիքի մարզի առաջին ատյանի ընդհանուր իրավասության դատարան: (...)»<sup>2</sup>:

7. Սյունիքի մարզի առաջին ատյանի ընդհանուր իրավասության դատարանը 2024 թվականի դեկտեմբերի 27-ի որոշմամբ արձանագրել է. «(...) 1994 թվականի նոյեմբերի 9-ին ՀՀ ՊՆ զինվորական ոստիկանության աշխատակիցները Դավիթ Կառլոսի Առաքելյանին բերման են ենթարկել ոստիկանության հերթապահ մաս:

Դավիթ Կառլոսի Առաքելյանին, Երևան քաղաքում, ոստիկանության կողմից բերման ենթարկելու հանգամանքը հաստատվել է նաև մեղադրյալի որպես վկա հարցաքննության արձանագրությամբ:

Այլ կերպ՝ Դավիթ Կառլոսի Առաքելյանի կողմից առերևույթ հանցանքի կատարումը ավարտվել է իրավապահ մարմինների միջամտությամբ՝ Երևան քաղաքում՝ վերջինիս բերման ենթարկելու պահին:

<sup>2</sup> Տե՛ս վարույթի նյութեր, հատոր 4, թերթեր 33-36:

Դատարանն արձանագրում է, որ փրկող հանցանքի ավարտի պահը պայմանավորող այլ հանգամանքներն իրենց բնույթով հանդիսանում են ապացուցողական վիճակներ, որոնք հիմնվելով փաստաբնույթ գործոնների վրա կանխորոշում են ընթացքի մեջ գտնվող հանցավոր դրսևորման ավարտը: (...)»<sup>3</sup>:

**Վճռարեկ դատարանի քրեական պալատի հիմնավորումները և եզրահանգումը.**

8. Սույն վարույթով բարձրացված իրավական հարցը հետևյալն է. հիմնավոր է արդյո՞ք Սյունիքի մարզի առաջին ատյանի ընդհանուր իրավասության դատարանի հետևությունն այն մասին, որ թիվ ԵԴ1/2219/01/24 քրեական վարույթն ընդդատյա է Երևան քաղաքի առաջին ատյանի ընդհանուր իրավասության քրեական դատարանին:

9. ՀՀ Սահմանադրության 63-րդ հոդվածի 1-ին մասի համաձայն՝ «Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:

10. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ «Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա արեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:

10.1. Մարդու իրավունքների եվրոպական դատարանը, «օրենքի հիման վրա արեղծված դատարան» հասկացությունը մեկնաբանելիս նշել է. «Այն երկրներում, որտեղ օրենքը կոդիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապարասիսան ազգային օրենսդրությունը մեկնաբանելու որոշակի ազատությամբ»<sup>4</sup>:

<sup>3</sup> Տե՛ս վարույթի նյութեր, հատոր 4, թերթեր 42-48:

<sup>4</sup> Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

Միննույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ «Ներպետական դատական արյանները դատավարական կանոնները կիրառելիս պետք է ձեռնպահ մնան դրանց չափազանցված ձևականացումից, որն իր ազդեցությունը կունենա դատավարության արդարացիության վրա»<sup>5</sup>:

11. Վճռաբեկ դատարանը *Գևորգ Հարությունյանի* գործով իրավական դիրքորոշում է ձևավորել այն մասին, որ «(...) Գործերի պատշաճ ընդդատությունը, որպես արդար դատաքննության անհրաժեշտ բաղկացուցիչ, հիմնարար իրավական արժեք է: Դրա հիմնարար բնույթը բխում է արդար դատաքննության ինստիտուցիոնալ փարրից՝ անկախ, անկողմնակալ, իրավասու և օրենքի հիման վրա սրբեղծված դատարանի սպասելի պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում բարձրագույն իրավաբանական ուժ ունեցող այնպիսի նորմատիվ ակտերում, ինչպիսիք են ՀՀ Սահմանադրությունը (...), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)

Պատշաճ ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դատարանի որոշման հարակ կանոնների առկայությունը և դրանց կանխարեսելի գործադրումն անհրաժեշտ պայման են կողմնակի դիրքորդի մոտ այնպիսի համոզմունք ձևավորելու համար, որ փյալ կոնկրետ քրեական գործը քննող դատարանը և դատավորը նախատրամադրվածություն չունեն, և փյալ գործը վարույթ ընդունելիս սուբյեկտիվիզմն ու կամայակայությունը բացառված են եղել:

Այսպիսով, քրեական գործերի ընդդատության որոշման հարակ, կամայականությունը բացառող կանոնների առկայությունը և գործադրումը

<sup>5</sup> Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

*պարտադիր նախապայման են արդարադատության մարչելիության պարզաճ երաշխավորման համար (...)*<sup>6</sup>:

12. Վերոգրյալից հետևում է, որ ընդդատության կանոններն այն չափանիշներն են, որոնց հիման վրա որոշվում է, թե տվյալ գործով որ դատարանը պետք է իրականացնի արդարադատություն: Այդ չափանիշների հիմքում ընկած են ոչ թե իրավակիրառների սուբյեկտիվ հայեցողությունը, այլ քրեական վարույթի օրենքով սահմանված օբյեկտիվ հատկանիշները, որոնց առկայությունն էլ թույլ է տալիս արձանագրել տվյալ դատարանի՝ այդպիսին հանդես գալու իրավունքն այդ վարույթով: Միաժամանակ, ընդդատության կանոնները կոչված են անձին գերծ պահելու դատական շրջապտույտներից, որոնք կարող են առաջանալ, եթե դատարանները հրաժարվեն գործը վարույթ ընդունել իրենց ընդդատյա չլինելու պատճառարանությամբ:

Ընդդատության ինստիտուտը հիմնարար նշանակություն ունեցող արժեք է, քանի որ այն անմիջականորեն կապված է անձի՝ օրենքի հիման վրա ստեղծված դատարանի կողմից իր գործի քննության իրավունքի հետ: Քրեական վարույթի մասնակիցների համար պետք է կանխատեսելի լինի, թե իրենց գործով որ դատարանը պետք է իրականացնի արդարադատություն:

13. ՀՀ քրեական դատավարության օրենսգրքի 261-րդ հոդվածի համաձայն՝  
*«1. Առաջին արյանի ընդհանուր իրավասության դատարանին ընդդատյա են այն վարույթները, որոնք վերաբերում են այդ դատարանի դատական փարսածքում ենթադրաբար կատարված հանցանքներին՝ անկախ քննչական ենթակայության կանոններից:*

*2. Եթե վարույթը վերաբերում է առաջին արյանի ընդհանուր իրավասության փարսեր դատարանների դատական փարսածքներում ենթադրաբար կատարված երկու կամ ավելի հանցանքներին, ապա մեղադրանքը քննում է այն դատարանը, որի դատական փարսածքում ենթադրաբար կատարվել է վերջին հանցանքը: (...)*»:

<sup>6</sup> Տե՛ս Վճռաբեկ դատարանի՝ *Քնորգ Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

Նույն օրենսգրքի 263-րդ հոդվածի համաձայն՝ «1. Նախնական դատարանների ընթացքում պարզելով, որ տվյալ վարույթն ընդդայրյալ չէ իրեն, դատարանն այն որոշմամբ անհասպաղ փոխանցում է ըստ ընդդայրության:

(...)

4. Վարույթն ըստ փարածքային ընդդայրության սրացած առաջին արյանի ընդհանուր իրավասության դատարանը մինչև նախնական դատարաններ նշանակելը եռօրյա ժամկետում որոշում է կայացնում վարույթը Վճռաբեկ դատարանի քրեական պալատ ուղարկելու մասին, եթե համաձայն չէ վարույթի փարածքային ընդդայրությանը:

(...)

7. Սույն հոդվածի 4-րդ մասով նախատեսված դեպքում Վճռաբեկ դատարանի քրեական պալատը վարույթը Վճռաբեկ դատարանում սրանալու պահից հնգօրյա ժամկետում վերջնականապես լուծում է վարույթի փարածքային ընդդայրության հարցը: (...):»:

13.1. ՀՀ քրեական օրենսգրքի 214-րդ հոդվածի համաձայն՝ «1. Զինասպարհի խուսափելը վարժական կամ սրուզողական հավաքներից՝ (...):»:

14. Սույն վարույթի նյութերի ուսումնասիրությունից երևում է, որ՝

- սույն քրեական գործն առաջին ատյանի դատարան է ստացվել 1995 թվականի փետրվարին, նույն թվականի մայիսին ամբաստանյալ Դ.Առաքելյանի նկատմամբ որպես խափանման միջոց է ընտրվել կալանքը, հայտարարվել է հետախուզում և նրա մասով գործի վարույթը կասեցվել է: Դրանից հետո քրեական գործը հինգ անգամ վերաբաշխվել է, քրեական գործի վարույթը վերսկսվել է և 2024 թվականի նոյեմբերի 5-ին որոշում է կայացվել տվյալ քրեական վարույթը հեռակա կարգով իրականացնելու մասին: Այնուհետև Երևան քաղաքի առաջին ատյանի ընդհանուր իրավասության քրեական դատարանը, փաստելով, որ Դ.Առաքելյանին վերագրվող ենթադրյալ հանցանքը փաստացի ավարտվել է Սյունիքի մարզի Սիսիան քաղաքում, որոշում է կայացրել քրեական վարույթն ըստ տարածքային ընդդատության Սյունիքի մարզի առաջին ատյանի ընդհանուր իրավասության դատարան փոխանցելու մասին<sup>7</sup>:

<sup>7</sup> Տե՛ս սույն որոշման 6-րդ կետը:



- Սյունիքի մարզի առաջին ատյանի ընդհանուր իրավասության դատարանը, փաստելով, որ Դ.Առաքելյանին վերագրված ենթադրյալ հանցանքն ավարտվել է իրավապահ մարմինների միջամտությամբ՝ Երևան քաղաքում վերջինիս բերման ենթարկելով, գտել է, որ սույն քրեական գործն ընդդատյա չէ Սյունիքի մարզի առաջին ատյանի ընդհանուր իրավասության դատարանին<sup>8</sup>:

15. Սույն վարույթի փաստական հանգամանքները գնահատելով վերոշարադրյալ իրավադրույթների և իրավական դիրքորոշումների լույսի ներքո՝ Վճռաբեկ դատարանի քրեական պալատը փաստում է, որ սույն վարույթի նյութերի ուսումնասիրությունից երևում է, որ Դ.Առաքելյանին վերագրված ենթադրյալ արարքը՝ որպես տևող հանցանք, ավարտվել է 1994 թվականի նոյեմբերի 9-ին, Երևան քաղաքում՝ նրան բնակության վայրից զինվորական ոստիկանության աշխատակիցների կողմից զինվորական ոստիկանություն բերման ենթարկելով<sup>9</sup>: Հետևաբար, Վճռաբեկ դատարանի քրեական պալատը գտնում է, որ Դ.Առաքելյանին վերագրված՝ ՀՀ քրեական օրենսգրքի 214-րդ հոդվածի 1-ին մասով նախատեսված տևող ենթադրյալ հանցանքն ավարտվել է Երևան քաղաքի առաջին ատյանի ընդհանուր իրավասության քրեական դատարանի դատական տարածքում:

16. Ամփոփելով՝ Վճռաբեկ դատարանի քրեական պալատն արձանագրում է, որ Սյունիքի մարզի առաջին ատյանի ընդհանուր իրավասության դատարանի հետևությունն այն մասին, որ թիվ ԵԴ1/2219/01/24 քրեական վարույթն ընդդատյա է Երևան քաղաքի առաջին ատյանի ընդհանուր իրավասության քրեական դատարանին, հիմնավոր է:

17. Ամփոփելով՝ Վճռաբեկ դատարանի քրեական պալատը գտնում է, որ թիվ ԵԴ1/2219/01/24 վարույթն ընդդատյա է Երևան քաղաքի առաջին ատյանի ընդհանուր իրավասության քրեական դատարանին:

Վերոգրյալի հիման վրա և ղեկավարվելով ՀՀ քրեական դատավարության օրենսգրքի 263-րդ հոդվածի 7-րդ մասով՝ Վճռաբեկ դատարանի քրեական պալատը

<sup>8</sup> Տե՛ս սույն որոշման 7-րդ կետը:

<sup>9</sup> Տե՛ս վարույթի նյութեր, հատոր 1, թերթեր 3-4:

## Ո Ր Ո Շ Ե Ց

Դավիթ Կառլոսի Առաքելյանի վերաբերյալ՝ 1961 թվականի մարտի 7-ին ընդունված ՀՀ քրեական օրենսգրքի 214-րդ հոդվածի 1-ին մասով թիվ ԵԴ1/2219/01/24 քրեական վարույթն ընդդատյա է Երևան քաղաքի առաջին ատյանի ընդհանուր իրավասության քրեական դատարանին:

Նախագահող՝ \_\_\_\_\_ Հ.ԱՍԱՏՐՅԱՆ

Դատավորներ՝ \_\_\_\_\_ Ս.ԱՎԵՏԻՍՅԱՆ

\_\_\_\_\_ Հ.ԳՐԻԳՈՐՅԱՆ

\_\_\_\_\_ Լ.ԹԱԴԵՎՈՍՅԱՆ

\_\_\_\_\_ Ա.ՊՈՂՈՍՅԱՆ